

Lugo, 2 de novembro de 2022.- A TENENTA DE ALCALDESA DELEGADA DA ÁREA DE GOBERNANZA: ECONOMÍA E RECURSOS HUMANOS, Mercedes Paula Alvarellos Fondo.

R. 3170

### *Anuncio*

En sesión ordinaria celebrada o 27.10.2022 déuselle conta ao Excmo. Concello Pleno, da firmeza da sentenza número 00104/2022 pronunciada pola Sección 4ª da Sala do contencioso administrativo do Tribunal Superior de Xustiza de Galicia, recurso contencioso administrativo 15171/2021 pola que se anulan os epígrafes B, C letra a), De F 2) (gruas) do artigo 4º da ordenanza fiscal número 152 reguladora das taxas por aproveitamentos especiais da vía pública, vixente no exercicio 2021 e 2022.

O presente anuncio publícase para os efectos previstos no artigo 72.2 da Lei 29/1998, do 13 de xullo, reguladora da xurisdición contencioso-administrativa.

Lugo, 2 de novembro de 2022.- O Secretario Xeral do Pleno, Rafael José del Barrio Berbel.- A Tenenta de Alcaldesa Delegada da Área de Gobernanza: Economía e Recursos Humanos, Mercedes Paula Alvarellos Fondo.

R. 3171

## MEIRA

### *Anuncio*

#### **APROBACIÓN DEFINITIVA DA ORDENANZA FISCAL REGULADORA DE FUNCIONAMENTO DA PISTA DE PÁDEL DO CONCELLO DE MEIRA.**

O Concello de Meira na sesión celebrada polo Pleno o día 7 de setembro de 2022, levou a cabo a aprobación inicial da Ordenanza reguladora do funcionamento da pista de pádel.

Durante o período de exposición ao público non se formularon alegacións, elevándose a definitivo o acordo provisional adoptado, de conformidade co establecido no artigo 17.3 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais, polo que entrará en vigor a partir do día seguinte á publicación do anuncio da súa aprobación definitiva no Boletín Oficial da Provincia, e permanecerá vixente ata a súa modificación ou derrogación expresa.

De conformidade co artigo 19 do Real Decreto Lexislativo 2/2004, de 5 de marzo, contra dito acordo poderase interpoñer recurso contencioso-administrativo, no prazo de dous meses contados dende o día seguinte ao da publicación do acordo no Boletín Oficial da Provincia, sen prexuízo de calquera outro recurso que os interesados estimen procedente.

Asemade, procédese á publicación do texto íntegro da ordenanza:

**“ORDENANZA FISCAL REGULADORA DE FUNCIONAMENTO DA PISTA DE PÁDEL DO CONCELLO DE MEIRA (LUGO).**

#### **TÍTULO PRELIMINAR**

##### **Artigo 1.- Fundamento.**

Entre as competencias propias das corporacións locais galegas, recollidas no artigo 25 da Lei 7/1985, do 2 de abril, reguladora das Bases de Réxime Local e no artigo 80 da Lei 5/1997, do 22 de xullo, de administración local de Galicia, atópase a promoción do deporte e instalacións deportivas e de ocupación do tempo libre; polo cal, conforme ao artigo 84.1 a) da Lei 7/1985, do 2 de abril, reguladora da Bases de Réxime Local, así como nos artigos 41 a 47 e 127 do Real Decreto lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, o Concello de Meira establece as condicións xerais, así como o prezo pola utilización da pista de pádel municipal.

##### **Artigo 2.- Obxecto.**

É obxecto da presente Ordenanza:

- a) Establecer unhas normas xerais de uso da pista de pádel municipal.
- b) Establecer o prezo público pola utilización da devandita instalación.

##### **Artigo 3.- Competencias.**

Ademais das competencias xenéricas atribuídas á Alcaldía polos artigos 21 da Lei 7/1985, do 2 de abril, reguladora das Bases de Réxime Local, e 61 da Lei 5/1997, do 22 de xullo, de administración local de Galicia, queda facultada expresamente para:

a) Esixir responsabilidades e indemnizacións por danos e prexuízos ocasionados ás instalacións, así como impoñer sancións aos usuarios polo incumprimento do establecido nesta Ordenanza

b) Alterar, por necesidades do servizo público, de interese xeral ou forza maior, a orde de preferencia na utilización do servizo e os horarios de apertura e peche.

#### **Artigo 4.- Persoas usuarias.**

1. Poderá utilizar a pista de pádel municipais calquera persoa que o solicite, de acordo co procedemento establecido na presente Ordenanza.

2. Queda prohibido o uso da pista de pádel:

- Aos menores de 12 anos, salvo que se atopen baixo a supervisión dunha persoa maior de idade.
- A aquelas persoas que fosen sancionadas conforme a esta Ordenanza e durante o tempo que dure a sanción.
- Para dar clases por parte de particulares, salvo as organizadas con intervención do Concello ou por outra entidade pública coa autorización do mesmo.

#### **Artigo 5. Equipamento e uso.**

Para a utilización da pista deberase utilizar calzado deportivo adecuado á práctica do pádel, así como palas e pelotas propias desta especialidade deportiva e coa finalidade de evitar danos ás instalacións deportivas.

Queda prohibido a utilización de material deportivo non axeitado á práctica do pádel, tales como raquetas de tenis, palas de praias e frontón, balóns ou pelotas de outros deportes, etc.

A pista está adecuada para a práctica de pádel, polo que está prohibido calquera outro xogo.

Antes de entrar na pista, os xogadores deberán eliminar os restos de terra ou barro que puidesen levar as súas zapatillas. Igualmente, ao saír da pista procurarán non deixar abandonados utensilios, complementos, roupas, botes de pelotas ou botellas que utilizen.

#### **Artigo 6. Reserva da pista.**

As quendas de reserva da pista serán de noventa minutos, aínda que só poderá alugarse como máximo cento oitenta minutos ao día por un mesmo usuario.

O disposto anteriormente, poderase exceptuar no caso de que non exista demanda suficiente da pista de pádel.

A reserva da pista realizarase a través do correo electrónico [concello.de.meira@eidolocal.es](mailto:concello.de.meira@eidolocal.es) ou do teléfono 982330102.

#### **Artigo 7. Desenvolvemento de actividades.**

O Concello de Meira poderá programar actividades como torneos, competicións e cursos, polo que o sistema de reservas poderá ser anulado ou modificado ata a conclusión das devanditas actividades.

O Concello de Meira pode concertar de acordo cun monitor a instancia do Concello ou a solicitude dos usuarios co fin de que se desenvolvan cursos ou clases, nestes supostos o custo da pista determinarase de acordo co disposto no artigo 17 da presente Ordenanza.

#### **Artigo 8. Exoneración de responsabilidade.**

O Concello de Meira non será responsable en ningún caso de:

- A perda, roubo ou extravío de calquera obxecto que se deixe nas instalacións.
- As lesións que se puidesen orixinar derivadas da práctica deportiva.

#### **Artigo 9. Infraccións e Sancións.**

1. Os usuarios que fagan un mal uso da instalación ou provoquen danos de maneira intencionada poderán ser sancionados sen utilizar a pista, así como o abono dos danos causados.

Facúltase ao señor alcalde para a imposición de sancións aos usuarios por incumprimento desta Ordenanza. Para iso tramitarase o correspondente expediente sancionador, conforme as disposicións contidas na Lei 39/2015, de 26 do Procedemento Administrativo Común.

Na imposición das sancións deberase gardar a debida adecuación entre a gravidade do feito constitutivo da infracción e a sanción aplicada, considerándose especialmente os seguintes criterios para a gradación da sanción para aplicar:

- a) A existencia de intencionalidade ou reiteración.
- b) A natureza dos prexuízos causados.
- c) A reincidencia, por comisión no termo dun ano de máis dunha infracción da mesma natureza cando así fose declarado por resolución firme.

2. Son infraccións moi graves:

- a) O acceso ilegal ás instalacións.
- b) A perturbación relevante que afecte de maneira grave, inmediata e directa á tranquilidade ou ao normal desenvolvemento das actividades deportivas.
- c) O impedimento do uso das instalacións aos demais usuarios.
- d) O impedimento ou a grave e relevante obstrución ao normal funcionamento de servizo.
- e) O deterioro grave e relevante das instalacións.

3. Son infraccións graves as que supoñan danos nas instalacións distintos dos enumerados no apartado anterior.

4. Son infraccións leves calquera outro incumprimento das disposicións da presente Ordenanza que non poidan cualificarse como grave ou moi grave.

En todo caso será considerada como infracción leve o incumprimento do aviso de non utilización da pista de pádel sinalado no artigo 15 da presente Ordenanza.

5. As infraccións moi graves serán sancionadas con multa de 1.501,00 ata 3.000,00 euros.

6. As infraccións graves serán sancionadas con multa de 751,00 ata 1.500,00 euros.

7. As infraccións leves serán sancionadas con multa de 30,00 ata 750,00 euros.

Xunto coas anteriores sancións pecuniarias poderase, ademais, prohibir a entrada temporal ás instalacións por tempo de ata tres meses por infraccións leves e de ata seis meses para as graves.

Para as infraccións moi graves poderase prohibir definitivamente o acceso ás instalacións.

## TÍTULO II. PREZO PÚBLICO

### Artigo 10. Natureza.

A prestación patrimonial a satisfacer polo uso da instalación ten o carácter de prezo público, por non concorrer ningunha das circunstancias do artigo 20.1 b) do Real Decreto legislativo 2/2004, tendo en conta que os servizos prestados polas instalacións de pádel son de solicitude e recepción voluntaria e susceptibles de ser prestados polo sector privado.

### Artigo 11. Feito imponible.

Constitúe o feito imponible a utilización da pista de pádel e que se producirá entre as 9:00 e as 00:00 horas todos os días da semana, incluídos os domingos e festivos.

### Artigo 12. Suxeitos Pasivos.

Son suxeitos pasivos contribuíntes as persoas físicas e xurídicas así como as entidades a que se refire o artigo 35.4 da Lei 58/2003, de 17 de decembro, xeral tributaria, que soliciten os servizos e actividades que son constitutivos do feito imponible da taxa.

Estarán obrigadas ao pago do prezo público todas as persoas que utilicen a pista. A obriga de pago nace desde o momento en que se reserve a pista.

As débedas por prezos públicos poderán esixirse polo procedemento administrativo de apremio e de acordo do disposto na Lei 58/2003, de 17 de decembro, xeral tributaria, e no Real decreto 939/2005, do 29 de xullo, regulamento xeral de recadación.

### Artigo 13. Cota Tributaria.

A cota tributaria será fixada nas tarifas contidas no artigo 14, gravándose a utilización da pista con carácter de exclusividade, con independencia do número de participantes e a actividades que realicen.

### Artigo 14. Tarifas.

Serán abonadas conforme á seguinte táboa:

Días	Tarifa	Tempo máximo de utilización	Horario de utilización da pista
Luns a domingo (incluídos días festivos)	8,00 €	90 minutos	9:00 a 00:00 horas

No caso de disfrutarse o uso da pista de pádel por un tempo menor a 90 minutos, non implicará devolución ou minoración no importe a satisfacer polo uso da mesma.

**Artigo 15. Devengo.**

A obriga do pagamento da tarifa regulada na presente ordenanza nace desde o momento previo á utilización da pista de pádel e que se produce no momento de efectuar a solicitude da mesma nas oficinas municipais.

**Artigo 16. Exencións.**

Estarán exentas do pagamento do prezo público aquelas actividades que organice directamente o Concello de Meira.

**Artigo 17. Xestión.**

-A xestión deste servizo público efectúase de maneira directa polo Concello de Meira nos termos do disposto no artigo 85 da Lei 7/1985, de 2 de abril, de bases do réxime local.

-A presente tarifa esixirase mediante o sistema de autoliquidación, mediante os modelos facilitados aos efectos polo Concello de Meira.

-As reservas da pista de pádel poderanse realizar de maneira telefónica ou vía mail nos termos sinalados no artigo 6 da presente Ordenanza debendo realizarse cunha antelación máxima dunha semana. Non obstante, quedarán anuladas aquelas reservas que non se fagan efectivas pasados 10 minutos desde a hora reserva.

-A non utilización da pista deberase comunicar cunha antelación mínima de catro horas, dando lugar en caso contrario a non devolución do importe satisfeito en concepto de tarifa así como a imposibilidade de efectuar novas reservas pola mesma persoa durante unha semana.

**Artigo 18. Indemnización por danos e prexuízos.**

A imposición das sancións que proceda será independente e compatible coa esixencia polo Concello da responsabilidade que corresponda aos usuarios polos danos e prexuízos causados nas instalacións da pista de pádel.

**DISPOSICIÓN ADICIONAL**

Para todo o non previsto na presente ordenanza será de aplicación o establecido no Real Decreto Legislativo 2/2004, do 5 de marzo, polo que se aproba o Texto Refundido da Lei de Facendas Locais; a Lei 58/2003, do 17 de decembro; a Lei 8/1989, do 13 de abril, de taxas e prezos Públicos e a Lei 7/1985, do 2 de abril, Reguladora das Bases do Réxime Local.

**DISPOSICIÓN FINAL**

A presente Ordenanza entrará en vigor o día da súa publicación definitiva no BOP, momento en que comezará a aplicarse, permanecendo vixente ata a súa modificación ou derogación expresa.

Contra o presente acordo poderase interpoñer recurso contencioso-administrativo perante o xulgado do Contencioso-Administrativo con sede en Lugo, no prazo de dous meses a contar desde o día seguinte ao da publicación do presente anuncio no Boletín Oficial da Provincia; todo iso, de conformidade co disposto nos artigos 46 da Lei 29/1998, do 13 de xullo, reguladora da Xurisdición Contencioso-Administrativa e 19 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, do 5 de marzo."

Meira, 3 de novembro de 2022.- O Alcalde, Antonio de Dios Álvarez.

R. 3172

**NEGUEIRA DE MUÑIZ***Anuncio***CONVOCATORIA PARA PROVER DIVERSAS PRAZAS NO CONCELLO DE NEGUEIRA DE MUÑIZ**

Por Resolución de Alcaldía de data 31 de outubro do 2022, aprobáronse as bases que, ao abeiro do disposto na Lei 20/2021, de 28 de decembro, de medidas urxentes para a redución da temporalidade no emprego público, rexerán a provisión das seguintes prazas:

- 1.- Polo sistema de concurso, unha praza de Administrativo e unha de Conductor-oficial encargado de obras e servizos
- 2.- Polo sistema de concurso-oposición, unha praza de Traballador Social

As bases íntegras da presente convocatoria recóllense ao pé deste anuncio e serán publicadas na web [www.concellodenegueira.es](http://www.concellodenegueira.es)

O prazo de presentación de solicitudes será de dez días naturais a contar dende o día seguinte á publicación deste anuncio no Boletín Oficial do Estado. Os sucesivos anuncios desta convocatoria, cando procedan de conformidade coas bases, publicaranse na web deste Concello: [www.concellodenegueira.es](http://www.concellodenegueira.es)